

Kalaallit Nunatsinni ilinniartut tamani ilinniartut pisariaqartitsineq naapertorlugu danskisut pikkorissarneqarnissamik periarfissinneqaqqullugit Ilinniartitaanermut Pilersaarutaat II-mut Naalakkersuisunit qulakkeerneaqqullugu Inatsisartut aalajangiiffisassaattut siunnersuut.

(Inatsisartunut ilaasortaq Mimi Karlsen, Inuit Ataqatigiit)

Akissuteqaat

(Ilinniartitaanermut, Ilageeqarnermut, Kultureqarnermut Naligiissitaanermullu Naalakkersuisoq)

Siullermeerneqarnera

Danskisut pikkorissarneqarnissamik periarfissiisinnaaneq Naalakkersuisut siunnersuuteqartutulli pingaaruteqarnera eqqumaffigaat, Naalakkersuisut anguniagaat ilinniartitsinermit pilersaarummi una anguneqassappat "... ukioqatigiit 2015-imit meeqqat atuarfianni naammassisut 35-nik ukioqalertinnatik inuussutissarsiutinut piginnaasaqalerfiusumik ilinniarsimasut 70 %-iussapput", oqaatsitigut piginnaasat unammilligassatsinnut ilaapput. Tamanna anguneqassappat piumasaqaataavoq, sinneruttut/inuusuttut ikilisinneqarnissaat, inuusuttullu amerlanerusut ilinniakkamik aallartitsinissaat.

Isumaginninnikkut ilaqutariissutsillu tungaatigut immikkut ittumik meeqqanut inuusuttunullu tunngasumik suliaqartoqarpoq, Ilinniartitsinermit pilersaarut II sinneruttunut/inuusuttut tungaanut sammisumik suliniutaareersunik pilersaarutigineqartunillu imaqqarpoq, tassanilu oqaatsitigut piginnaangorsarnissaq suliniutini arlaqartuni ilaareerluni, assersuutigalugu, Højskolerneq efterskolerneq kiisalu piareersarfinni ilinniartinnut ilinnialernissamat piareersarneq. Tamatuma saniatigut Nuummi Niuernermik Ilinniartut 2014-imi inuusuttut piginnaasaqalerfiusumik ilinnialernissaanut ajornartorsiuteqarsinnaasunut, suliniutinik aallartitsinissaminut aningaassaliiffigineqarpoq.

Ilinniarnertuunngorniarfimmik aqqissuusseqinnermi, ilinniartut akornanni pisariaqartitsineq naapertorlugu, sammisani (fagimi) immikkut piginnaangorsarsinnaaneq ammaaneqarpoq, tassanilu danskisut ilinniartut ilaatinneqarluni. Ilinniartitsinermit pilersaarut II-mi Inuutissarsiutinut ilinniartut anguniarneqarpoq ukioq siulleq tunngaviusumik piareersarfittut atorineqassasoq, tassanilu sammisani (fagimi) ataasiakkaani arlaqanngitsunilluunniit piginnaangorsaqinnissamik periarfissat pitsanngoriartussaallutik.

Danskisut pikkorissarneqarnissamik periarfissiisinnaaneq Naalakkersuisut siunnersuuteqartutulli eqqumaffigalugu suliniutit assigiinngitsut ingerlappaat – ilaallu, siunnersuutigineqarsimasutulli, Ilinniartitsinermit Pilersaarut II-mi ilaareerlutik.

Naalackersuisut, suliniutit periarfissaareersut ilumut atorneqarnersut malinnaaffiginiarpaat, paasissutissallu katersorneqartut Ilinniartitaanermut pilersaarutip ingerlanera Inatsisartunut nalunaaruteqarnerani ilanngunniarlugit.

Naggataagut eqqaasitsissutigissavara, oqaatsitigut unammilligassat iliuuseqarfiginissaanut, siunnersuuteqarnermut tunngavigitinneqartoq, meeqqat atuarfiani inissisimammat, tassani kommunit, ilinniartitsisut angajoqqaallu suleqatigalugit qulakkiissallutigu, meeqqatta atuarfik qimakkaangamikku ilinniaqqittussanngorlutillu, oqaatsitigut piginnaasaqarluarnissaat.

Taamatut oqaaseqarlunga, siunnersuut Inatsisartunit akuersissutigineqarnissaa innersuussutigineqarpoq.